

國

朝

列

卿

紀

國朝列卿紀卷之一百十七

整飭薊州邊備兼巡撫順天等府序

天京畿古幽薊之地左環滄海右擁太行北枕居庸南襟河濟形勢甲於天下誠所謂天府之國也遼金元雖嘗於此建都然皆以夷狄入中國不足以當形勢之勝 國初汎掃胡氛靖一海內改爲北平府至我 成祖乃龍潛於此及續承大統定鼎北京陞北平府爲順天府於以統萬邦而撫四夷真足以當形勢之勝而爲萬世不拔之鴻基自永樂十九年四月命侍郎郭敦給事中陶衍往順天等府州安撫軍民考察官吏於是有巡撫之命然事罷則止未有專職至正統十四年土木之變京師

戒嚴邊圉孔棘特命都察院右僉都御史鄒來學提督軍務總督糧儲兼巡撫順天永平二府紫荆倒馬等關益專意邊防而已景泰五年仍命右副都御史李賓提督軍務止撫順天永平二府天順元年革巡撫至成化二年復以言者擢僉都御史閻本賚理軍務巡撫順天永平後兼撫河間真保定凡五府七年又命副都御史楊璿兼巡撫大名順德廣平凡八府頃之遂上言畿輔地廣宜據居庸關中分命二巡撫臣爲便朝議從之於是八年以後長清張綱實以僉都御史整飭薊州等處邊備巡撫順天永平二府以居庸等關屬之分設行院於遵化列衛至於今無改易所以輯圉固維以奠安京圻者慮甚遠也然薊州

至於永平關口不下百十而居庸山海喜峯古北黃花鎮險阨
尤著自東安霸州武清而東野曠人稀奸宄伏匿頗憂腹心之
患况迤山一帶則陵寢在焉而采顏諸夷類善伺隙所恃以
藩屏者撫臣也必本之公廉濟之通變而恩威行乎其間則事
集人懷而邊陲攸賴矣不然玩愒歲月以席危枕憂豈扼險設
備之初意哉今詳各官宦履於後其行實見於事紀其勤德茂
著者列爲表傳

國朝列卿紀卷之一百十七

整飭薊州邊備兼巡撫順天等府左右副僉都御史年表

郝來學

湖廣麻城縣人進士正統十三年以右僉都御史、提督軍務總督糧儲巡撫順天永平紫荆等關

李賓

順天府順義縣人進士景泰四年以都察院右副都御史仍提督軍務止巡順天永平二府

天順元年革巡撫

閻本

陝西邠州人成化二年以右僉都御史贊理軍務巡撫順永復以右副都兼撫河間真保廣大六府

楊璿

直隸無錫縣人進士成化七年以都察院右副都御史巡撫順天等八府

以上畿內八府同巡撫至成化八年據居庸關中分設二巡撫於是整飭薊州山海等處邊備巡撫順天永平二府地方之命設行院於遵化以後相沿不改

張綱

山東長清縣人進士成化八年以都察院右僉都御史整飭荊州等處邊備兼巡撫順天永平二府地方

汪霖

直隸六安州人進士成化十二年以左僉都御史整飭荊州邊備兼撫順天等府

李田

湖廣武昌府嘉魚縣人進士成化十六年以右副都御史任

楊繼宗

山西陽城縣人進士成化二十年以都察院左僉都御史整飭荊州邊備兼撫順天等府地方

彭韶

福建興化府莆田縣人進士成化二十一年以都察院右僉都御史任

閔珪

浙江湖州府烏程縣人進士成化二十三年以都察院右副都御史任弘治元年陞刑部右侍郎

徐懷

浙江嚴州府建德縣人進士弘治元年以都察院右副都御史任四年遷南京副都右侍郎

秦氏悅

直隸廬州府舒城縣人進士弘治四年以都察院右副都御史任

唐珣

直隸松江府華亭縣人進士弘治四年以都察院右副都御史任六年薨

魏富

福建漳州府龍溪縣人進士弘治六年以都察院右僉都御史任七年養病累官刑部右侍郎

屠勳 浙江嘉興府平湖縣人進士弘治七年以都察院右副都御史任

張淮 河南開封府襄城人進士弘治九年以都察院右副都任十一年卒於官

洪鍾 浙江杭州府錢塘縣人進士弘治十一年以都察院右副都御史任

周季麟 江西南昌府寧州人進士弘治十七年以右副都整飭薊州邊備兼巡撫順天等府地方十八年致仕

陳璧 山西太原左衛籍進士弘治十八年推右副都御史整飭薊州邊備兼撫順天等府未任卒

柳應辰 湖廣岳州府巴陵縣人進士弘治十八年以右副都御史整飭薊州邊備兼撫順天等府

劉聰 陝西延安府中部縣人進士正德四年以都察院右僉都御史任五年以附禮罷免爲民

李貢 直隸太平府蕪湖縣人進士正德五年以都察院右副都御史任

王倬 直隸蘇州府太倉州人進士正德八年以都察院右副都御史任

李瓚 山東東昌府濮州人進士正德十年以左僉都御史任十二年改謫保定十四年以左副都總略居庸山海二關

臧鳳

山東曲阜縣人進士正德十二年以都察院右副都御史任十三年遷督漕運

張潤

山西平陽府臨汾縣人進士正德十三年以都察院左僉都御史任本年丁憂

劉達

山東濟南府濱州人進士正德十四年以都察院右副都御史任十六年請戍

李昆

山東萊州府高密縣人進士正德十六年以都察院右副都御史任本年陞兵部右侍郎

孟春

山西澤州人進士正德十六年以都察院右副都御史任嘉靖三年陞戶部右侍郎總錄

劉澤

山東兗州府濟寧州人進士嘉靖三年以都察院右副都御史任六年被劾聽勘

張仲賢

山西太原府陽曲縣人進士嘉靖六年以都察院右僉都御史任本年閑住

汪玉

浙江寧波府鄞縣人進士嘉靖六年以都察院右僉都御史任八年卒於官

周期雍

江西南昌府寧州人進士嘉靖九年以都察院右僉都御史任

張大用

直隸揚州府儀真縣人進士嘉靖十年以都察院右副都御史任十一年回籍

毛伯溫

江西吉安府吉水縣人進士嘉靖十一年以都察院右僉都御史任本年回院

戴時宗

福建漳州府長泰縣人進士嘉靖十一年以都察院右僉都御史任十二年丁憂

于湛

直隸鎮江府金壇縣人進士嘉靖十二年以都察院右副都御史任本年開任

張嵩

四川成都前衛人進士嘉靖十二年以都察院右僉都御史任十八年卒於官

張景華

山東兗州府剡城縣人進士嘉靖十二年以都察院右僉都御史任十四年致仕詳總漕副都

党以平

河南開封府鈞州人進士嘉靖十四年以都察院右副都御史任十七年遷理院事

戴金

湖廣漢陽府漢陽縣人進士嘉靖十七年以都察院右僉都御史任

張漢

湖廣承天府鍾祥縣人進士嘉靖十八年以都察院左僉都御史任

徐錦

浙江寧波府慈谿縣人進士嘉靖十九年以都察院右僉都御史任二十年劾免

徐嵩

直隸揚州府泰州人進士嘉靖二十年以都察院右副都御史任二十一年下獄謫戍

侯綸

山西太原府太原縣人進士嘉靖二十一年以都察院右副都御史任

許論

河南河南府靈寶縣人進士嘉靖二十二年以都察院右僉都御史任二十三年陞右副都御史

王禎

陝西西安府乾州人進士嘉靖二十三年以都察院右僉都御史推被劾未任聽調

朱方

山西平定州守禦千戶所籍嘉靖丙戌進士二十三年以都察院右僉都御史任本年逮繫卒

郭宗臯

山東登州衛軍籍進士嘉靖二十三年正月開任都察院右僉都御史任二十六年正月開任

孫應奎

直隸蘇州府長洲縣人進士嘉靖二十六年以右僉都御史任二十八年陞左副都御史理院事

王汝孝

山東東平人進士二十八年以右僉都御史任二十九年謫戍

吳嘉會

山西振武衛人進士嘉靖二十九年以右僉都御史任三十二年以邊功陞右副都御史

馬九德

山東德州人嘉靖乙未進士三十五年以右僉都御史任本年丁憂開任

張祉

河南固始人嘉靖戊戌進士三十五年以右僉都御史任三十六年降寺丞三十七年開任

馬珮

山東德州人嘉靖辛丑進士三十
七年以右僉都御史任本年開任

王輪

山西蒲州人嘉靖戊戌進士三十
七年以右僉都任三十八年聽調

張玘

山西石州人嘉靖乙未進士三十八年以
右僉都任四十年聽調詳工部右侍郎

徐紳

直隸建德人嘉靖辛丑進士四十
年以右僉都任四十二年下獄

溫景葵

山西大同人嘉靖戊子鄉舉四十
二年以右僉都任四十四年養病

耿隨卿

直隸滑縣人嘉靖丁未進士
四十五年以右僉都御史任

劉應節

山東濰縣人嘉靖丁未進士
隆慶元年以右僉都御史任

楊兆

陝西膚施人嘉靖丙辰進士隆慶四年由永平兵備副使
陞右僉都任萬曆元年加右副都仍任二年陞兵部右侍

郎總督
遼保定

張夢鯉

山東萊陽人嘉靖丙辰進士萬曆六年由山西左布政陞右僉都任九年改撫甘肅

翟繡裳

山西聞喜人嘉靖壬戌進士萬曆十一年二月由山東右布政陞右僉都任十一月回籍聽用

張國彥

直隸邯鄲人嘉靖壬戌進士萬曆十一年由撫治鄆陽右副都改任十三年三月陞戶部右侍郎

趙可懷

四川巴縣人嘉靖乙丑進士萬曆十三年由福建僉都陞右副都任七月聽調

蹇達

四川重慶衛人嘉靖壬戌進士萬曆十三年由湖廣按察使陞右僉都任十六年陞大理寺卿

王致祥

龍門衛籍忻州人隆慶辛未進士萬曆十六年由太僕卿陞僉都任

○整飭薊州邊備兼巡撫順天等府行實

鄒來學字時敏湖廣麻城縣人宣德癸丑進士授戶部主事歷
郎中以才幹稱陞左通政正統十四年英宗北狩逆虜內侵
特陞右僉都御史巡撫時人心皇皇奔避無地來學獨廣斥堠
謹烽燧處財用舉將村守要害精兵械虜不敢犯民用以寧於
是除貪暴植良善修喜峯口董家口羅文谷劉家口界嶺口一
岸石各關城池遷薊州倉於城內皆雄壯堅固且令兵民分屯
耕守自食其力百廢俱舉東西晏然不但保障一時足以垂裕
後世經略之功前後莫京後陞右副都御史巡撫應天
李賓字廷用號敬菴順天府順義縣人正統乙丑進士九月授

浙江道御史丁卯巡按兩浙深得憲體己巳值邊關有警四月
往大同察看虜情九月虜寇深入奉 勅召募河南懷慶諸處
民壯得壯丁萬餘操練以法軍威遙振虜遁去景泰庚午正月
陞太僕寺卿釐革宿弊馬政爲之修舉癸酉冬陞都察院右副
都御史奉 勅提督永平山海等處軍務兼督糧儲當時平易
玩之時益致謹武備凡關隘城堡器械車馬無不整飾戒嚴而
屯田之利以興兵食兼足地方以寧天順丁丑改大理寺卿詳
都察院左都御史

閻本字宗元陝西邠州人景泰甲戌進士歷任戶部郎中成化
乙酉總督薊州等處糧儲操履清白出納平允防範周密動有

程法一切宿弊剗剔殆盡軍士蒙惠人稱神明會巡撫員缺

上命禮部侍郎鄒幹來賑濟饑民與總兵東寧伯焦壽文章論薦
遂陞右僉都御史巡撫順天永平二府激濁揚清鋤強植弱伸
理冤抑周濟匱乏處置錢糧修平谷豐潤玉田開平等處城池
及通薊浮橋本不畏權要有貂璫許某恃勢私稅商貨立置其
人於法總兵掾史舞文害人卽於府中捕之尤注意學校作興
斯文以故貪婪解綬士民歸心尋陞右副都御史巡撫畿內八
郡後以修理太廣小人藉是架謗稱疾致仕軍民遮道送之號
泣如失父母十四年會西陲有警復起爲戶部侍郎總督軍餉
未幾卒於官詳戶部

楊璿字叔璣直隸無錫縣人正統己未進士拜戶部主事歷河南左布政成化七年以右副都御史巡撫八郡時歲凶見倉無儲粟百方營聚有司怠事者以法繩之巨室憚勸分者肆謗一無所顧惟汲汲以濟人爲務建言畿輔地廣宜據居庸中分添設巡撫二人爲便朝議從之璿聰察剛毅官無隱惡民無遁情吏民咸服其能未及一年改撫河南詳河南巡撫

張綱字大振山東長清縣人景泰甲戌進士擢御史疏奏阻曹吉祥庇指揮奪嫡人呼真御史出按江西削寧藩護衛再巡湖廣有李總兵者遺千金劾奏落職天順八年陞湖廣按察使持風采人不可以私干成化八年陞都察院左僉都御史巡撫順

天等府卅二年回理院事詳都察院

汪霖字潤夫直隸廬州府六安州人霖起承家學登景泰甲戌科進士第拜監察御史出按雲南操已愼布憲公讞獄多所平反吏民安之丁父憂復職按浙江持其素益勵時錦衣衛指揮門達方秉權酸酸其子商於浙自鎮守官以下皆曲意悅之以霖獨不禮也歸譖之達怒遣校尉偵之卒以無罪免還掌江西道適 憲宗嗣大統言官劾門達抵罪薦前都御史王公茲李公秉皆復任天下謹快霖預力焉先是兩廣蠻寇出沒且十載屢征不克至是命趙都督同知輔率師征之遂命劉御史慶與霖察官軍有生事與冒功者皆寘之法霖與劉協心申令蕭然

憚之自京抵兩廣所過接者且以策贊師禱賊穴如破竹既而
審首級有妄者斥之俘獲有係吾民者縱還其鄉凱奏論功拜
大理寺丞秩滿陟本寺右少卿成化十三年擢都憲被飭邊撫
郡之命遂乘驛徧所治戒將佐練士卒葺城堡樓櫓簡器械軍
聲用張虜莫敢犯且勵守宰仰勤恤民隱無或怠違舊例邊軍
糧餉永平府給古北口薊州給山海關皆以車運費重而途艱
然緣邊米價頗賤霖請以銀代糧分給之兵民兩便皆歡欣感
戴至今成化十六年卒於京壽六十三

李田字

湖廣武昌府嘉魚縣人景泰甲戌進士成化十

年歷陞福建左布政使十六年陞都察院右副都御史整飭

州邊備巡撫順天等地方二十年致仕

楊繼宗字承芳山西澤州陽城縣人天順丁丑進士授刑部貴州司主事稟性剛方持身清苦八年陞嘉興府知府以隻篋孤臧赴任如旅寓然勤廉蒞政民多受其澤尤以興學校整廢墜刻蠹弊爲急成化元年丁憂五年服闋仍補嘉興府九載考績民老幼遮道留之不忍捨去十年陞浙江按察使振肅紀綱初藩臬諸司民苦供辦鎮守中官日費用萬錢公一切罷之十七年丁母憂二十年起陞都察院左僉都御史整飭荊州邊備兼撫順永地方奪還官戚占民莊田權貴斂迹二十一年星變上疏諫諍權貴乘機中之左遷雲南按察司副使弘治元年復左

僉都御史巡撫雲南未任卒於官居官三十餘年歸囊惟大明律數卷而已剛直廉介之操雖庸人孺子皆知其名云

國琛集云公好善惡惡出於性成人多憚其方嚴至忠孝大節議論風采人皆信而欽之

彭韶字鳳儀福建莆田縣人天順丁丑進士授刑部主事歷巡撫蘇松嘉湖右副都成化二十一年以副都御史巡撫韶爲人剛方嚴謹學問該博好別白君子小人政先激揚務大體功被軍民名著中外其作興士類宣明文化尤爲可稱云若陳時政以弭天變議糧運以便軍民至今稱頌不衰累官刑部尚書詳

刑部

閔珪字朝瑛浙江烏程縣人天順甲申進士授山東道御史任
巡撫江西右僉都謫廣西按察使成化二十三年以右副都御
史巡撫經理儲備修濬城濠累官刑部尚書詳刑部

徐懷字明德浙江嚴州府建德縣人天順庚辰進士拜刑部主
事進員外郎讞獄明允民稱無冤成化三年擢江右僉憲明慎
如秋水而風力過之秩將滿陞廣東副使未幾改湖廣督屯進
按察使二十二年擢江西右布政尋轉左所至有聲弘治元年
陞都察院右副都御史整飭薊州邊備兼巡撫順天首嚴關界
廣儲蓄恤疑獄時洪濬衝崩關口城垣墩臺廳舖管房數多漂
流盜甲器械無算奏請分方督造不閱月悉復舊其年畿甸大

荒疏請京通薊三倉米五萬戶部銀六萬兩發下州縣驗口給
散疏借內帑銀糴本畿民賴之審錄重囚平反矜疑甚多四年
表陞南刑部右侍郎詳南京刑部

秦民悅字崇化直隸舒城縣人天順丁丑進士授行人歷工部
屯田司員外郎成化十年陞廣平府知府十九年滿九載陞江
西右叅政歷三年陞右布政弘治三年轉左四年陞都察院右
副都御史巡撫順天飭薊州兵備詳南京戶部尚書

唐珣字廷貴直隸華亭縣人天順丁丑進士授合州知州歷南
京部司郎中福州府知府湖廣左叅政右布政使成化

二十二年陞順天府尹弘治四年陞都察院右副都御史巡撫

順天六年丁憂後起總制兩廣兼理巡撫

魏富字重禮福建漳州府龍溪縣人成化丙戌進士授

道

御史

年陞浙江僉事十

年陞江西副使弘治

年陞江

西按察使六年陞都察院右僉都御史巡撫順天等處詳刑部

右侍郎

屠勳字元勳浙江平湖縣人成化己丑進士授工部主事歷大理左少卿弘治七年以右副都御史巡撫勳爲人平恕善於撫恤且練達世故勤勞政事以近畿役重民貧京邑尤甚疏請裁省夫役昌平密邇山陵供億浩繁疏停牧馬以示優卹其經略邊備奏分薊州密雲建昌三路屯兵緩急相援於潮河川築

捨城虎落設險居守及增置黃花鎮營堡戍兵聲勢聯絡虜自是不敢輕犯又奏徙熊兒峪馬營於便地就水泉人免病渴猶圈頭關多水患歲苦修築亦奏徙之南北水峪歲省役卒數百人寶坻產銀魚中使歲取供薦因之橫索民不能堪麻峪山有銀礦守臣以中旨索之皆疏言其不可 詔戒約中使而礦事卒不行後官刑部尚書聲名稍損於前云詳刑部

張淮字

河南開封府襄城縣人成化己丑進士授淮安山

陽知縣丁憂起復補蕪湖知縣十五年擢浙江道監察御史弘治元年陞江西僉事三年以大臣薦陞四川按察使九年陞陝西左布政本年陞都察院右副都御史整飭薊州邊備兼巡撫

順天等府十一年卒於官

洪鍾字宜之浙江錢塘人成化乙未進士授刑部主事歷福建左布政弘治十一年以都察院右副都御史巡撫順天等府兼飭薊州邊備建議增築邊牆自山海抵居庸延亘千里繕城堡二百七十悉城沿邊諸縣官無浪費減防秋兵六千名省數萬又造浮橋毀永平陶窰以便息軍民奪權貴所占還之詳都察院左都

周季麟字公瑞江西寧州人成化辛卯領鄉薦明年壬辰遂登進士第授兵部武庫司主事改職方司主事六年陞武庫司員外郎尋轉車駕司郎中政無鉅細皆講求便不使而處之務竭

其才始清禁軍再清畿內及山東山西邊軍得健卒八萬青神
余子俊鈞陽馬文升以宿望相繼爲大司馬皆器而倚任之章
疏多與參酌乃行在部幾二十年甘守常調持重好修權貴人
之門無一跡弘治庚戌陞浙江布政司左叅政屢斷冤獄平巨
盜遺利隱竄搜抉殆盡戶部侍郎吳原以賑饑至工部侍郎徐
貫以治水至事率倚之而集內辰陞河南右布政未幾轉左其
治如在浙而加慎焉農民之收補庫藏之出納遠嫌守法無隙
可議交成之際貯銀至四十七萬餘兩人以爲難兩藩撫按之
薦舉者凡六七疏丁巳冬虜犯甘涼陞都察院右副都御史往
蒞巡撫之任始至勒兵與虜戰斬首六十四級捷上 賜勅獎

勵李麟憂邊思職屢陳防禦之宜先是哈密忠順王申絕以王
毋署國事爲土魯番王速壇阿力所襲部落數千人來奔寓甘
肅朝廷再遣文武大臣往經略之皆莫能定弘治五年國人
擁立忠順之族屬陝巴復爲土魯番之叛臣速壇阿黑麻所擄
西陲之禍不解者四十年矣於是宣布德意振揚兵威阿黑麻
畏服乃送陝巴并原奪勅印抵甘州李麟請仍立陝巴因以
其強酋奄克亭刺之從女妻之凡所以經紀其事宜并賜答土
魯番之禮纖悉詳盡自是諸部帖然番貢不絕陝巴之族弟安
定國王千奔亦慕義來謝事聞孝廟大悅有白金文綺之賚
時季麟已自傷冒痛矣而於利害之當罷行者恒汲汲爲之所

屬邊境之苦寒切近諸夷未嘗不親歷久駐蓋忘其身之病也
庚申之夏自甘肅移撫陝西中貴人奉 詔取牡丹能裁省其
費民以不擾初西安以有警城守權調近地民兵五千歲久爲
例有力者因私役焉乃議歲用千人春秋番代餘悉罷遣歸農
辛西北虜小王子擁衆數萬人河套往來延寧二邊遣大將提
兵捍禦季麟督屬給餉不絕劾總兵官恭順侯吳鑑怯衄宜易
詔罷鑑而以武安侯鄭英代之寇屢入鎮原靖虜平涼季麟嚴兵
以待部下獲功甚衆在陝幾四年惓惓以振勵下僚爲務將領
坐貪縱黜罷者七八人其所薦進類多名士論者以爲知人十
七年御馬監及京營草場地土之在薊州者與民產錯置屢屢

五季 孝廟重其事密諭內閣擇大臣勘處必得其人諸元老
以季麟素有才望聞遂 特召還巡撫薊州等處季麟不樂內
降亟具疏乞休又 命移文促之既至請官會勘據景泰間奏
案正其疆界衆愜服爭端遂息臺諫不知移鎮出於 簡在也
或以爲言季麟屢辯求去荷 優詔勉留不聽乙丑 武宗初
繼大統以養病請 上念其情詞懇切乃報允給傳以行 詔
有司候勿藥奏聞召用蓋歸去林下十有四年而卒享年七十
有四贈右都御史謚僖敏

陳玉字

山西太原左衛籍直隸高郵州人成化壬辰進士

授嘉興知縣十九年擢江西道監察御史弘治五年陞山東副

使上
年陞山東按察使十五年陞南太僕寺卿十八年陞都
察院右副都御史整飭薊州邊備兼撫順天等府地方未任養
病卒於家

柳應辰字

湖廣岳州府巴陵縣人成化己丑進士授刑部

司主事

年陞本部

司員外郎十

年陞本部

司郎中弘治

年陞四川副使丁憂

年補陝西副使又丁

憂十二年補河南副使十三年陞山西按察使十

年陞江西

右布政使十

年陞陝西左布政使十八年陞都察院右副都

御史整飭薊州邊備兼撫順天等府地方正德二年爲民

劉應字

陝西延安府中部縣人成化丁未進士授

弘治年陞太僕寺丞十五年陞彰德府知府正德二年陞太僕寺少卿四年陞都察院右僉都御史整飭薊州邊備兼撫順天等府地方五年以附瑾罷免爲民

李貢字惟正別號舫齋直隸蕪湖人成化甲辰舉進士初官戶部主事督餉清江口纍倉之壞垣固而不費尋陞員外郎丁母憂服闋改刑部累陞郎中獄明慎爲侍郎盱眙陳道所知陞山東按察副使清理戎籍檢覈屯田皆有法及巡遼陽哀蘭英之死節表張天祥之忠義樹碑墓道以勵風俗正德改元陞福建按察使踰年陞陝西右布政使摘奸息訟所至有聲踰年轉山西左布政使以郡邑靡費無經立民膏簿俾主者統之以備

稽核陞都察院右副都御史巡撫遼陽錦義二城以逆瑾併奪屯地將謀爲亂貢往撫之邊境乃安虜酋久爲患貢諭令入貢有白金多衣之賜時忤逆瑾遂致仕比瑾敗詔復起巡撫順天時霸州賊起郡邑震動乃奏設兵備憲臣繕城賑饑以安人心霸恃以無患賊黨有陰事關節者每兵出輒相傳報功不可成貢廉得其魁械京師寘之於法賊計沮乃敗通州舊城卑隘時有水厄貢念國儲所在奏增修之費甚而民不知擾古北口當賊衝又遇潦起輒不可守度隙地壘墻百餘丈患乃息凡巡歷所及輒完城堡卹士卒節財費拓地利黜貪暴鋤強梗皆存功德於民故旣去而民多思之三年考績以老請上慰

之有才識練達之褒無何陞兵部右侍郎請益切乃許致仕時
正德癸酉某月也詳兵部

王倬字用檢直隸太倉州人成化戊戌進士知浙江山陰縣歷
四川左布政正德八年陞都察院右副都御史整飭薊州邊備
兼撫順天等府時屬縣大饑人相食上奏請通州米十萬石賑
之以轉輸比至民且爲溝中瘠乃許在邊官軍俸糧預支兩月
益以餽直而以官軍所在俸糧散給饑氓軍民兩利焉全活以
萬計時虜射死叅將陳乾總兵太監合兵討之屯馬蘭峪倬曰
虜知吾兵屯西必且東入乃命指揮葉鳳伏兵山下虜果毀墻
入伏發斬獲六十餘級馬一百五十疋奪回男女千餘事聞有

獨英勵有白金文綺之賜御史劾指揮十七人臨陣退縮當斬傳
曰未經督委何謂退縮十七人皆得免十年乙亥進南京兵部
右侍郎詳南京兵部

李瓚字

山東東昌府濮州人弘治丙辰進士正德五年任

通政司右叅議丁憂九年復任十年陞大理寺左少卿本年陞
都察院左僉都御史巡撫順天兼飭薊州兵備十二年改撫保
定十三年遷通政使掌鴻臚寺十四年改左副都御史經略居
庸山海邊關十六年陞工部右侍郎總理河道嘉靖三年改戶
部總督糧儲詳總儲尚書

臧鳳字瑞周山東兗州府曲阜縣人弘治庚戌進士授知嶧縣

拜御史歷河南左布政正德十二年以巡撫保定都察院右副都御史改巡撫順天等府地方公督郡邑嚴察舉飭兵戎罷庸懦畿徼以寧以攘敵功膺錦襲寶楮之賜十三年改督漕運詳南京刑部尚書

張潤字汝霖山西平陽府臨汾縣人弘治壬戌進士正德八年任戶科都給事中九年陞順天府丞十三年陞都察院左僉都御史巡撫順天等府本年丁憂十六年起都察院左僉都御史巡撫寧夏嘉靖二年回院詳南京吏部

劉達字
山東濟南府濱州人武驥左衛軍籍弘治己未進士授刑部
司主事十八年選陞通政司右叅議正德三年

陞左叅議五年陞本司右通政七年轉左通政十一年陞左僉都御史巡撫宣府十三年加左副都十四年改都察院左副都御史整飭薊州邊備兼撫順天等府十六年謫戍

李昆字

山東萊州府高密縣人兵部左侍郎介子弘治庚

戌進士

正德五年陞陝西提學

僉事歷

十年陞巡撫甘肅右副都御史十四

年降浙江副使十六年以都察院右副都巡撫順天等府本年陞兵部右侍郎嘉靖二年致仕

孟春字

山西澤州人弘治丙辰進士歷浙江嚴州府知府

正德五年陞太僕寺少卿八年陞巡撫宣府右僉都御史十一

年降陝西叅議歷右叅政十六年陞應天府府尹本年陞都察院右副都御史巡撫順天等府嘉靖二年春疏設所部預備倉糧初不及二千石既奉詔經畫各州縣衛所納贖買米穀共得十萬八千石有奇所應發變賣銀錢段布計其值可買穀九萬五千一百六十石凡得倉糧二十萬六千一百有奇請遣官覈實詔巡按御史覈之仍通行天下視積多寡以爲賞罰賜春羊酒嘉之本年陞總儲戶部右侍郎三年擢吏部左侍郎春上疏言前大同之變若有總制控治宣府則大同軍士必有所禪而不敢肆撫臣將官亦有所仗而徐爲征討土魯番入寇若有總制開府蘭州檄至卽發兵則地方不致殘破今大同猶多反側

國朝及外紀 卷之二十一 一
番虜尚爲跳梁請勅兵部會舉才望大臣一總制宜大一總制
陝西三邊從之四年春言胡瓚督軍大同止獲首惡十餘而郭
巴子未獲巴子機巧諂詐倘潛入虜境構引禍不可言乞令瓚
亟往必得巴子乃已下部議

劉澤字 山東兗州府濟寧州人弘治己未進士授吳江知
縣正德元年擢刑科給事中二年爲民七年起河南僉事十四
年改山西僉事十一年陞山西副使本年陞山西右叅議十二
年陞山西左叅政嘉靖元年陞山西右布政使二年陞陝西左
布政使三年陞都察院右副都御史整飭薊州邊備兼撫順天
等府地方六年被劾聽勘

張仲賢字

山西太原府陽曲縣人弘治乙丑進士授胖城

知縣正德二年改邵陽知縣三年丁憂七年補華亭九年擢湖廣道御史十四年養病十五年補原職嘉靖二年陞順天府丞六年陞都察院右僉都御史巡撫順天等府本年閑住

汪玉字汝成浙江寧波府鄞縣人弘治辛酉年二十一領鄉薦明年游南雍時楓山章公爲祭酒整菴羅公爲司業大見器重召與語必移時較藝必冠多士焉戊辰舉進士授刑部江西司主事轉雲南司員外郎訊覈精敏爲同輩所推服甲戌陞湖廣按察司僉事攝辰沅兵備乙亥督造紙劄拒請託絕侵蝕減浮費以萬計明年仍巡辰沅攝兵備玉性簡亢不能與衆俯仰不

悅於當道湖藩六道辰沅最遠且多故故以屬王玉下上驗

噦不避寒暑矻矻移牒不間宵晝民夷肅然惟永順宣慰司恃

其富強納賄權奸圖地之屬保靖者事久弗決相殺傷無虛歲

朝廷勅大臣會勘或受別指欲有所左右而玉持益堅卒以理誦

羣力焉永順先以黃金器若干啗玉玉聞之亟命擒其使使遠

逃匿至是陰令刺客伺玉人多爲玉危者而玉屹弗爲動難亦

竟弗及也香爐山土夷叛合湖貴兩省兵討平之玉之贊畫居

多在沅再期鋤奸祛弊罄竭心力復構書院於明山之麓聚諸

生爲之講解士多興起己卯更巡武昌黃州會宸濠叛陷九江

九江與黃蘄接壤倉卒備禦分守者稱病不敢出城而玉遽浴

流入嶄新吏民方豕駭欲竄王諭戒稍定日夜修城增堙募民
集兵皆越宿而辦黃梅有粟萬餘石與九江僅距一水衆謂在
虎牙間而王從容取歸州城賊睥睨不敢犯境內按堵已亢旱
出禱澍雨輒降未幾 武宗南巡供應賞犒之需壽壽周悉聲
聞日益起然直道不見容積勤六年而薦劾不一及及是巡按
御史毛汝厲疏王才節乃擢柳桂真備副使強賊王延鑑爲患
率民兵搗其窠窟悉殲之當道無知者其於事惟自盡其心而
不欲以聞於人類如此壬午冬丁外艱明年春會吏部考察旌
天下賢能卓異者纔數人王復與焉乙酉擢閩南清兵備稽
供應減夫役豪猾屏戢軍民安之丁亥春擢山東按察使行之

日耄倪泣送滿車下八閱月擢右僉都御史巡撫順天永平整
飭薊州邊備見西北邊凋耗已極實將官倍尅所致首議請甄
別將官賢否明賞罰以示勸戒仍劾去貪酷之尤者二人邊境
懷震戊子春畿內賊楊恭作亂驚動京師玉調叅將郝通授之
方略不數日折其首京軍後至遂冒爲已功玉曾弗之辯也凡
防禦方略鐵冶利弊與夫重守令審均徭清地畝會錢穀皆熟
計而條陳之切中時宜有撫畿奏稿二卷劬勩歲久成消渴之
症且念數十年重大牢固之弊一旦盡革已爲憮壬所忌而貪
官被黜者相煽復起曰禍機在是懇疏乞休不允既病臥知不
能起謂其子焯等曰吾他無所憾第汝祖墳管未完祖母皆疾

未愈爲恨耳一日又曰我欲重修家禮今不能及汝等讀書循禮若不過於特則自食其力如徐稚子不失爲賢曾無一言及家事卒年四十有九所著有二書碎義書經存疑錄雜記敝篋留稿凡若干卷藏於家

周期雍字

江西南昌府寧州人正德戊辰進士

嘉靖九年以都察院右僉都御史任十年陞大理寺卿丁憂十四年再任累官刑部尚書詳刑部

王大用字時行直隸揚州府儀真縣人嘉建興化衛軍籍正德戊辰進士授都水司主事累廣東右布政使歷應天府尹嘉靖九年陞都察院右副都御史巡撫贛天道改撫大同十年乞休

仍改撫順天值歲大饑百方調度奏給糧米數萬躬循賑濟活軍民甚衆欽賞紵絲一表裏又修理邊牆計銀四萬八千餘兩公念軍方艱食乃以役行賑省銀三萬三千兩兵部會議防剿事宜公復疏三事一曰重賞罰大要欲以衝鋒破敵與陣亡者爲上賞斬級者次之追逐邀擊者又次之二曰酌律例言守備不設被賊入境失陷城寨者斬今官軍遇賊交鋒則非不備之兵間有損傷搶擄亦兵家勝敗之常若果間守備不設則恐觀望畏避幾可乘而坐失衆欲奮而擊非所以作邊將之氣也三曰覈功次夫功次冒濫非特勢要攬奪而已或妄殺人口或用銀買求此各邊通弊今後驗功合令同隊同職官保結

方准造冊如虛將保結官查照冒襲軍職 欽例罷職揭黃則

奸弊可杜 上皆嘉納之壬辰陞右都御史十一年回籍累官

南京右侍郎詳南京刑部侍郎

毛伯溫字汝厲江西吉安府吉水縣人正德戊辰進士任御史
按湖廣風采凜凜嘉靖元年任大理寺右寺丞三年轉左六年
陞巡撫寧夏右僉都御史七年閑任十一年起都察院右僉都
御史巡撫山西未任改撫順天本年回院十二年陞本院右副
都御史累官兵部尚書詳兵部

戴時宗字 福建漳州府長泰縣人正德甲戌進士授刑部
主事十六年改吏部考功司歷文選司郎中嘉靖十一年以總

理河道都察院右僉都御史改任十二年丁憂後起撫鄖陽改
理院事詳都察院

于湛字■直隸鎮江府金壇縣人正德辛未進士嘉靖十年
任河南左布政使十二年以都察院右副都御史本年開任後
起用累官戶部右侍郎詳戶部

張嵩字■四川成都前衛人正德丁丑進士任吏科給事中
陞工科都給事中嘉靖十年陞順天府丞十二年陞都察院右
僉都御史整飭荊州邊備兼撫順天等府地方十三年卒於官
張景華字■■山東兗州府剡城縣人正德甲戌進士除吉水
知縣選河南道御史歷謫黃右通政嘉靖十三年以都察院右

僉都御史任十四年致仕後起用累官總漕右副都御史
總督漕運

党以平字 河南開封府鈞州人正德甲戌進士嘉靖十一年任浙江左布政使十三年陞太僕寺卿十四年陞都察院右副都御史巡撫順天十七年遷理院事十八年致仕詳都察院
戴金字 湖廣漢陽府漢陽縣人正德甲戌進士嘉靖十年任廣東道御史歷太僕寺少卿十二年降河南叅議十七年以都察院右僉都御史任十八年降南京太僕寺少卿十九年陞應天府尹二十年陞大理寺卿累官兵部尚書詳兵部

張漢字 湖廣承天府鍾祥縣人正德甲戌進士嘉靖十二

年任陝西右叅政十三年陞順天府丞十四年陞巡撫甘肅右
僉都御史十五年丁憂十八年以都察院左僉都御史任十九
年陞總儲戶部左侍郎二十二年改兵部左侍郎詳兵部

徐錦字

浙江寧波府慈谿縣人正德丁丑進士授知

縣擢南道御史丁憂起復改北道御史嘉靖十三年陞南

京大理寺右寺丞十七年陞南京太常寺少卿十九年陞都察

院右僉都御史整飭薊州邊備兼撫順天等府地方二十年劾

免

徐嵩字中望直隸揚州府泰州人正德辛巳進士

嘉靖十年任山西左布政使二十年以都察院右副都御史

任整飭蒲州邊備兼撫天等府地方二十一年下獄謫戍

侯綸字



山西太原府太原縣人正德辛未進士嘉靖二十

一年以都察院右副都御史任二十二年陞兵部右侍郎回籍
調南京戶部右侍郎詳南京戶部

許論字廷議河南河南府靈寶縣人嘉靖丙戌進士六年授順
德府推官十年陞戶部山東司主事本年調兵部武選司主事
十一年養病十二年補職方司主事十三年丁憂十六年補禮
部祠祭司主事十七年陞主客司員外郎十八年陞本司郎中
十九年陞南京光祿寺少卿二十一年陞大理寺右寺丞
二十二年陞都察院右僉都御史任整飭邊備兼撫天

等府地方二十三年奏捷陞右副都御史仍前任本年養病二十九年原官撫山西三十三年陞兵部左侍郎

王禎字邦興陝西西安府乾州人嘉靖丙戌進士十六年授行人司行人九年陞兵科給事中十年丁憂十三年補原職本年陞兵科右給事中十四年陞吏科左給事中本年陞吏科都給事中十五年陞順天府丞二十年陞南京太僕寺卿二十二年改光祿寺卿二十三年以都察院右僉都御史任整飭薊州邊備兼撫順天等府地方被劾未任聽調

朱方字子大山西平定州守禦千戶所軍籍直隸鳳陽府泗州人嘉靖丙戌進士六年授金華府推官十一年擢四川道監察

御史十三年丁憂十六年補湖廣道監察御史二十二年陞大理寺右寺丞二十三年以都察院右僉都御史整飭薊州邊備兼撫順天等府地方本年逮繫卒

郭宗臯字君弼江西吉安府萬安縣人山東登州衛軍籍嘉靖己丑進士本年除刑部河南司主事十一年調兵部武選司主事十二年改湖廣道御史十七年陞山西按察司副使管理武寧偏頭三關整飭兵備提調倉糧十八年守制二十一年復除山西按察司副使總理紫荆關等處三關事宜專在易州往劄往來巡視二十二年陞陝西布政司右叅政二十三年陞大理寺右少卿本年以都察院右僉都御史整飭薊州邊備兼撫順

天等府地方二十六年開任二十八年以原官起撫大同改宣
府陞右副都本年陞兵部左侍郎兼僉都總宣大軍務詳南京
兵部尚書

孫應奎字文卿直隸蘇州府長洲縣人嘉靖己丑進士歷

二十六年以右僉都御史任二十八年陞左副都御

史理院事

王汝孝字紹甫山東東昌府東平州人嘉靖丙戌進士歷

二十八年任都察院右僉都御史整飭薊州邊備兼

撫順天等處二十九年謫戍

吳嘉會字惟禮山西振武衛人嘉靖乙未進士二十九年以右

僉都御史任三十二年以邊功陞右副都御史

國朝列卿紀卷之一百十七終

國朝列卿紀

卷之百十七

十七

國朝列卿紀卷之一百十八

巡撫保定等府兼提督紫荆等關

畿輔古冀州之域歷秦至宋登之上郡如上谷爲注

爲瀛海爲恒山爲鉅鹿爲襄國爲廣平爲武安爲魏郡爲陽平而表山帶河當燕趙之郊雄於河朔蓋自古記之矣我朝

定僭亂驅逐胡虜列保定等府俱屬北平布政使司至我成

祖定鼎北京而保定真定河間大名順德廣平等府皆陞爲畿輔神臯尤扼三關重地以控幽薊爲萬世慮者深遠也自永樂十九年四月命侍郎郭敦往順天等府安撫軍民考察官吏於是

是有巡撫之命然事罷則止未有專職正統七年畿內蝗災又

命侍郎魏驥出撫本年廣平府蝗旱又命侍郎薛希璉出撫然

因災巡視而未有督撫之任十年又特命薛希璉巡撫保定等

處并淮安等處十二府而畿內亦未有專撫之設及十四年土

木之變地方多事命都御史孫祥鎮守紫荆關陸矩鎮守真定

府鄒來學巡撫順天永平二府兼節制紫荆等關嗣後祝暹孔

文英陳泰段信李賓等要皆專意邊防而已成化二年以言者

擢都御史閻本巡撫順天永平二府未幾兼撫河間真定保定

凡五府七年又命都御史楊璿兼撫順德廣平大名凡八府頃

之遂上言畿輔地廣宜據居庸關中分命二巡撫臣爲便朝議

從之於是八年以後陳濂以副都御史巡撫保定真定河間順

德大名廣平六府提督紫荊倒馬龍泉等關分設行院於真定
列銜至於今無所改易其區畫控轄之宜蓋視昔加詳然土廣
俗雜類多驚戾撫輯一乖則姦宄嘯聚不可撲滅槩其大者有
響馬有流賊有山賊有礦賊茲數者加以達兵盤處畿甸非我
族類其心必異是又基腹心之疾固不止邊患而已則輯內固
外以延靈長之祚者是可泄泄者耶今詳各官宦履爲年表其
行實見於事紀其勳德茂著者表爲列傳

國朝列卿紀卷之一百十八

巡撫定侍郎都御史年表

薛希璉

浙江麗水人進士正統十年以刑部右侍郎巡視保定淮安十二郡

孫祥

大同人正統乙丑進士十四年以右僉史鎮守紫荆等處累北虜被賊射死

陸矩

隸阜城人進士正統十四年以右僉都御史鎮守真定

鄒來學

廣縣人進士正統十四年以右僉都御史節制紫荆等關

祝暹

河南祥符人宣德癸丑進士景泰元年以右僉都御史鎮守保定

孔文英

陝西安化人進士景泰元年以大理寺卿提督紫荆等關

陳泰

福建光澤人進士景泰元年以右僉都御史鎮守易州

段信

陝西三原人正統丙辰進士景泰五年以右僉都御史移守倒馬關六年致仕

李賓 順天順義人進士景泰五年以右副都御史提督軍務

彭誼 廣東東莞人舉人景泰六年以右僉都御史提督紫荆等關

閻本 陝西隴州人進士成化二年以右副都御史巡撫永順真保河間順德六府

楊璿 真隸無錫人進士成化七年以右副都御史撫圻甸八府

以後定今制

陳濂 浙江鄞縣人正統乙丑進士成化八年以右副都御史任九年改總漕卒於塗

葉冕 浙江上虞人正統乙丑進士成化十年以右副都御史任十一年閑任

張瑩 直隸華亭人進士成化十二年以右副都御史任

佀鍾 山東鄆城人進士成化十九年以右副都御史任

李敏 河南襄城人進士成化二十三年以右副都御史任

張

聘

陝西咸寧人進士弘治元年以右僉都御史任

張

錦

陝西岷州衛籍進士弘治四年以右副都任

史

琳

浙江餘姚人進士弘治四年以右副都御史任

高

鈐

直隸江都人進士弘治九年以右副都御史任

張

縉

山西陽曲人進士弘治十二年以右僉都御史任

王

沂

直隸武進人成化乙未進士弘治十年以右副都御史任十七年卒於官

王

璟

山東沂州人進士弘治十七年以右僉都御史任

韓

福

陝西西安前衛人進士正德元年以僉都御史任

徐

以貞

山東長山人成化戊戌進士正德二年以右僉都御史任五年謫府同知致仕

韓

福

見前正德四年以戶部侍郎兼僉都御史查屯田奉年免官

蕭

狃

四川內江人進士正德六年以右副都御史任七年除名

甯 杲

山東蓬萊人遼東海州衛籍進士正德七年以右僉都御史任八年丁憂

彭 澤

陝西蘭州衛人進士正德七年以右副都御史任

林廷玉

福建侯官人進士正德七年以右僉都御史任八年取回南院致仕

張 淳

直隸合肥人成化丁未進士正德八年以右副都御史任十年養病卒

臧 鳳

山東曲阜人進士正德十年以右副都御史任

李 瓚

山東濮州人進士正德十二年以右副都御史任

張 嶺

浙江蕭山人進士正德三年以右副都御史任

王崇文

山東曹縣人弘治癸丑進士正德十四年推右副都御史未任致仕

伍 符

江西安福人成化丁未進士正德十四年以右副都御史任十六年致仕卒

周季鳳

江西寧州人進士正德十六年以右副都御史任

劉麟

江西安仁人進士嘉靖二年以右副都御史任

何詔

浙江山陰人進士嘉靖四年以右副都御史任

林庭楫

福建閩縣人進士嘉靖六年以右副都御史任

王應鵬

浙江鄞縣人進士嘉靖七年以右僉都御史任

錢如京

直隸桐城人進士嘉靖七年以右副都御史任

林有孚

福建莆田人進士嘉靖十年以右僉都任十一年下獄爲民

許宗魯

陝西咸寧人進士嘉靖十一年以右僉都御史任十二年間住

周金

直隸武進人進士嘉靖十二年以右副都御史任

劉夔

山西襄垣人正德辛未進士嘉靖十四年以左僉都御史任十七年免

陸珂

浙江鄞縣人正德甲戌進士嘉靖十七年以右副都御史任十八年爲民

劉隅

山東東阿人嘉靖癸未進士十八年以右僉都御史任二十一年被劾回籍

丁汝夔

山東霑化人進士嘉靖二十一年以右副都御史任二十二年降湖廣右叅政

吳瀚

河南衛籍直隸吳縣人正德辛巳進士嘉靖十二年以右副都御史任二十三年被劾聽調

鄭重

河南固始人正德辛巳進士嘉靖二十四年拾遺聽調

蘇祐

山東濮州人進士嘉靖二十四年以右僉都御史任

李仁

山東東阿人進士嘉靖二十六年以右僉都御史任

商大節

湖廣鍾祥人進士嘉靖二十八年以右僉都御史任

楊守謙

湖廣長沙人彭城衛籍嘉靖己丑進士二十九年以右副都御史任本年勤王陞兵部右侍郎

艾希淳

陝西米脂人嘉靖乙未進士二十九年以右僉都御史任三十二年加右副都御史仍舊任

吳

嶽

山東汶上人嘉靖壬辰進士三十五年以右僉都御史任三十六年致仕

鄭

綱

福建莆田人嘉靖己丑進士三十六年以右副都御史任

張

松

河南洛陽人嘉靖戊戌進士三十八年以右僉都御史任

喻

時

河南光州人嘉靖戊戌進士三十八年以右僉都御史任

葛

縉

山東昌邑人嘉靖乙未進士三十九年以右僉都御史任

董

威

河南信陽人嘉靖辛丑進士三十九年以右僉都御史任

霍

冀

山西孝義人嘉靖甲辰進士三十九年以右僉都御史任

毛

愷

浙江江山人嘉靖乙未進士四十年以右僉都御史任

李

遷

江西新建人嘉靖辛丑進士四十年以右副都御史任四十二年陞工部右侍郎

魏尚純

河南鈞州人嘉靖壬辰進士四十二年以左副都御史任四十二年養病起歷工部右侍郎

張師載

湖廣潛江人嘉靖丁未進士四十三年以右僉都御史任隆慶元年陞巡撫浙江都察院右副都

曹亨

河南新蔡人嘉靖己未進士隆慶元年以右僉都任陞兵部右侍郎

溫如璋

河南洛陽人嘉靖丙辰進士隆慶元年十月由大理左少卿陞右僉都任三年二月調外任

宋纁

河南商丘人嘉靖己未進士隆慶四年由順天府丞陞右僉都任萬曆元年養病十一年正月再任

孫丕揚

陝西富平人嘉靖丙辰進士萬曆元年由大理右寺丞陞右僉都任四年十二月養病

孟重

陝西渭南人嘉靖癸丑進士萬曆五年以右副都御史任六年陞兵部右侍郎協理戎政

張鹵

河南儀封人嘉靖己未進士萬曆六年七月起右僉都巡撫七年陞右副都仍任八年改大理寺卿

辛自脩

河南襄城人嘉靖丙辰進士萬曆八年由光祿卿陞右僉都任十年陞大理寺卿

陰武卿

四川內江人嘉靖丙辰進士萬曆十年二月由太常卿陞左副都任十一年正月陞協院左副都

宋纁

見前萬曆十一年以右僉都起再任十一月陞南京戶部左侍郎

李

巳

河南磁州人嘉靖乙丑進士萬曆十一年由大理左少卿陞右僉都任十二年卒

賈三近

山東嶧縣人隆慶戊辰進士萬曆十二年由光祿卿陞右僉都任十五年三月陞大理寺卿

羅應鶴

直隸欽縣人隆慶辛未進士萬曆十五年由太僕寺卿陞右僉都任九月丁憂

曹子登

興州後屯衛籍長洲人嘉靖壬戌進士萬曆十六年十月由甘肅巡撫右副都改任十一月回籍

宋仕

山東平原人隆慶辛未進士萬曆十六年由大理左少卿陞右僉都任

巡撫保定侍郎行實

薛希璉字廷器浙江處州府麗水縣人宣德庚戌進士拜御史
正統五年擢刑部右侍郎視畿內廣平等府旱蝗至則黜賊吏
蠲逋負弛徵輸嚴令捕之蝗息大雨者三苗復蘇八年理鳳陽
屯田宿弊一清十年巡撫保定等處并慮鳳淮揚共十二府事
有便不便者施罷不俟日民用咸悅十三年命賑鳳陽饑民民
賴之十四年改鎮守福建歷南京刑部尚書詳南京刑部

孫祥字

山西大同府大同縣人正統乙丑進士擢

科給

事中十四年土木之變超拜都察院右僉都御史鎮守紫荆關
北虜犯順被賊射死

陸矩字

直隸河間府阜城縣人宣德癸丑進士正統十四

年中刑部郎中贊畫征閩功陞右僉都御史鎮守真定景泰元年命叅贊延綏軍務詳延綏巡撫

鄒來學字時敏湖廣黃州府麻城縣人宣德癸丑進士歷左通政正統十四年以巡撫順天永平二府右僉都御史提督軍務總理糧儲兼節制紫荆倒馬等關經畧之功前後莫京景泰五年遷巡撫應天等府右副都御史詳應天巡撫

祝暹字

河南開封府祥符縣人宣德癸丑進士授刑部

司主事正統

陸本部

員外郎十四年監征福建

叛寇景泰元年以功陞都察院右僉都御史鎮守保定等處軍

務
年卒於官

孔文英字世傑陝西慶陽府安化縣人永樂辛丑進士授廬陵知縣擢御史歷湖廣按察司景泰元年以大理寺卿提督紫荆鴈門等關及沿邊軍務至則練兵設險施置得宜關備大飭六年遷刑部左侍郎詳刑部

陳泰字吉亨福建邵武府光澤縣人永樂癸卯貢士正統丁巳御史有名擢四川按察使景泰元年以大理寺右少卿守備白羊口陞右僉都御史鎮守易州節制紫荆倒馬等關及沿河關口三十六處三年命考察大名廣平順德河間諸府衛官吏五年陞左僉都御史總理河道詳漕運總督

陝西西安府三原縣人正統丙辰進士除杭州府

推官擢

道監察御史歷巡雲南及南北直隸監軍口外景

泰三年任大理寺左寺丞五年陞都察院右僉都御史出禦紫

荆等關北虜入寇又移守倒馬關六年致仕

李賓字廷用順天府順義縣人正統乙丑進士景泰五年以巡撫順天永平右副都御史提督軍務天順元年遷大理寺卿歷都察院左都御史詳都察院

彭誼字景宜廣東東莞人宣德乙卯鄉舉景泰六年由大理寺丞陞都察院右僉都御史提督紫荆等關律將治兵修築城堡復命提督各關倉糧保定等衛屯糧會忤權貴左遷紹興知府

詳遼東巡撫

天順元年巡撫不設

閻本字宗元陝西鳳翔府隴州人景泰甲戌進士歷戶部督儲有聲成化二年以都察院右僉都御史贊理軍務巡撫天永平二府後陞右副都御史兼撫真保定河間六府七年以人言致仕後起戶部右侍郎詳戶部

楊璿字叔璣直隸常州府無錫縣人正統己未進士成化七年以都察院右副都御史巡撫順天永平真保定河間大名順德廣平八府八年改撫河南詳河南巡撫

以上畿內八府同巡撫至成化八年據居庸關中分命二巡撫

於是有提督紫荆倒馬龍泉等關巡撫保定真定河間大名順德廣平六府之命分設行院於真定府以後相沿不改

陳濂字德清浙江寧波府鄞縣人正統乙丑進士授南刑部

司主事歷司員外郎景泰二年陞廣東僉事天順三年

陞廣東副使成化元年陞廣東左布政使四年陞都察院右副

都御史巡撫廣東五年改督漕運七年丁憂八年起撫河南尋

改撫保定等六府提督紫荆等關九年復改督漕未任卒於塗

葉冕字 浙江上虞人正統乙丑進士成化九年以右副都

御史任十年閑住

張瑩字廷器直隸華亭縣人正統戊辰進士任巡撫真定副

都丁憂成化十一年以右副都御史任值久旱給民牛種俾不廢業奉勅勾稽戎籍十二年改撫大同歷南京兵部叅贊機務詳南京兵部

侶鍾字太器山東兗州府鄆城縣人成化丙戌進士成化十八年任大理右少卿十九年以右副都御史任請禁木以固邊陲河間淤地爲豪右占種者悉還之民又却守關者餽金二十一年陞刑部右侍郎歷戶部尚書詳戶部

李敏字公勉河南襄城縣人景泰甲戌進士成化二十二年以養病兵部右侍郎起右副都御史任二十三年改總督漕運本年陞戶部尚書詳戶部

張鼎字大器陝西西安府咸寧縣人成化丙戌進士歷河南按察使弘治元年以右僉都御史任四年陞戶部右侍郎詳戶部張錦字尚綱陝西岷州衛籍成化己丑進士弘治四年以左副都巡撫保定本年陞巡撫左侍郎詳刑部

史琳字大瑞浙江紹興府餘姚縣人成化丙戌進士弘治四年以右副都御史任乃定徭役法奏免重稅穿漚沱支流以免漲溢力奏還真大諸果園於民奏止增真保惜薪夫役民賴之九年陞工部右侍郎歷都察院右都御史詳都察院

高銓字宗選直隸揚州府江都縣人成化己丑進士任河南左布政治爲天下異等弘治九年以右副都御史任立九則編徭

役慎固邊圉時奸民有獻皇莊者實皆民田侍郎許進因寃聲撼野欲執以復命銓請勘實以聞曰上雅愛小民必不忍奪以利左右也奏上果然十三年陞南京工部右侍郎歷南院右都御史南京戶部尚書詳南京戶部

張縉字朝用山西太原府陽曲縣人成化己丑進士授鈞州知州陞南工部郎中杭州知府山東叅政皆有聲弘治六年陞管河右通政十三年以右僉都御史任至則飭士馬以防寇掠有發輒得畿內寇幾絕疏陳八事皆切民病十四年遷撫宣府歷南京戶部尚書詳南京戶部

王沂字

直隸常州府武進縣人成化乙未進士授禮部

司主事歷

司員外郎

司郎中山東右叅政湖廣右

布政使丁憂弘治

補江西右布政使

陞山東左布政

使十四年陞都察院右副都御史提督紫荆等關巡撫保定等府十七年卒於官

王璟字廷采山東兗州府沂州人成化壬辰進士弘治十七年以右僉都御史任疏添官增社以紓衡要民力處置江浙馬價以便本地土民免立皇莊名目以除民害等六事 上嘉納焉

疏請斥罷諸內璫田盡歸之民正德元年回都察院丁憂闕任後起巡撫山西陞都察院右副都御史歷都察院左都御史諱都察院

韓福字德夫陝西西安前衛人成化辛丑進士授滑縣知縣擢
四川道御史歷大理左少卿正德元年以右僉都御史任二年
遷理院事三年歷戶部左侍郎四年以本官兼左副都御史清
查屯田本年免官

徐以貞字

山東濟南府長山縣人成化戊戌進士授晉寧

知縣十八年陞霸州知州弘治年陞順天府治中陞工

部郎中十年陞懷慶知府正德二年陞河南左叅政三年陞

都察院右僉都御史巡撫延綏本年改提督紫荊等關巡撫保
定等府地方五年謫府同知致仕

蕭翀字凌漢四川成都府內江縣人成化辛丑進士授霍丘知

縣歷刑部主事正德五年任
左布政六年以右副都御史
任七年下獄爲民後起撫貴州陝西歷南院操江總制兩廣右
副都御史詳兩廣總制

甯杲字
山東萊州府蓬萊縣人遼東海州衛軍籍弘治丙
辰進士正德四年任捕盜御史陞大理寺丞七年以右僉都御
史任八年丁憂後起撫宣府詳宣府巡撫

彭澤字濟物陝西臨洮府蘭州衛人弘治庚戌進士正德五年
任河南按察使所在著聲績六年陞右僉都撫遼東六年以右
副都御史任本年改提督河南軍務加右都御史歷兵部尚書

詳兵部

林廷玉字 **■** 福建福州府侯官縣人成化甲辰進士正德七年以右僉都御史任八年取回南院致仕後起總理南京糧儲詳南京糧儲

張淳字 **■** 直隸廬州府合肥縣人成化丁未進士弘治元年授瀏陽知縣六年擢山西道監察御史十三年陞吉安府知府正德元年陞四川副使四年陞南京太僕寺少卿七年陞應天府尹八年陞都察院右副都御史撫治鄖陽地方本年改提督紫荆等關兼撫保定等府地方十年養病卒於家壽六十六臧鳳字瑞周山東兗州府曲阜縣人成化甲辰進士任嶧縣知縣擢御史歷河南左布政正德十年以右副都御史任十二年

改撫順天歷南京刑部尚書詳南京刑部

李瓚字



山東東昌府濮州人弘治丙辰進士正德十年任

大理左少卿陞巡撫順天右僉都十二年以右副都御史任十三年遷通政使掌鴻臚寺事十四年歷左副都御史經畧居庸等關遷工部右侍郎總理河道改戶部進總儲尚書詳戶部

張嶺字時峻浙江紹興府蕭山縣人成化丁未進士授上饒知縣陞南京兵部主事歷南京光祿寺卿正德十三年以右副都御史任俗多闕窳乘法不少假借武廟西狩江彬錢寧誅崇

郡邑無所應羣小怒之謀擠嶺十四年養病後起總制兩廣右都御史改南院陞南京工部尚書詳南京工部

王崇文字叔武山東兗州府曹縣人弘治癸丑進士改庶吉士授戶部主事歷員外郎郎中正德三年陞江西提學副使本年丁憂正德六年補四川提學副使八年陞山西右叅政十二年陞河南右布政使十四年陞河南左布政使本年陞都察院右副都御史提督紫荊等關兼撫保定等府未任致仕

伍符字朝信江西吉安府安福縣人成化丁未進士改翰林院

庶吉士授刑部



司主事歷



司員外郎寧波府知府浙

江左叅政雲南四川右布政使福建左布政使正德十一年陞南京光祿寺卿十四年陞都察院右副都御史巡撫山東未任改提督紫荊等關兼撫保定等府十六年致仕卒於家


周季鳳字公儀江西南昌府寧州人弘治癸丑進士授刑部主事正德十一年任湖廣左布政使十六年以右副都御史任嘉靖元年正月鳳上言緣邊隘口山木先朝皆有厲禁今奸民盜爲柴薪宜申明舊禁會侍郎沈冬魁言不便鳳復言薪炭出自廣昌蔚州等處奸商不利遠涉各就紫荆倒馬二關取供皆禁山也今縱之則法難行宜令山廠給文遣官赴大同府收買該府給文傳送管糧通判從中勘驗如私採及關隘留難者罪之兵部覆令鳳與冬魁會議其沿邊空地俱如鳳言築牆種樹戍守從之四月以宣大有警條陳十四事一嚴瞭望以速傳報一諭鄉民以協防守一添官軍以守要害一復坐派以便支給一

復糧額以濟邊軍一添倉官以便收支一給本色以厚邊軍一
改輸給以實邊儲一分勞逸以激人心一收草價以資實用一
均賞賚以勵士卒一旌死難以勵人心一給軍器以備不虞一
請神器以備急用部覆 詔如議行本月命相度東鹿獻縣肥
鄉魏縣水利築堤挑渠從宜區處二年改南院歷巡撫應天右
都御史詳應天巡撫

劉麟字元瑞江西饒州府安仁縣人弘治丙辰進士授刑部主
事歷雲南按察使十一年致仕十六年起任太僕寺卿嘉靖二
年以右副都御史任養病四年陞大理寺卿歷刑部左侍郎工
部尚書詳工部

何詔字廷綸浙江紹興府山陰縣人弘治丙辰進士授南京工部主事歷廣西叅政嘉靖二年任福建右布政使四年以右副都御史任振肅廢墜建明爲多有指揮通權以虐民達官倚公以冗食疏請一裁之以法六年陞工部左侍郎歷南京工部尚書詳南京工部

林庭楫字利瞻福建福州府閩縣人弘治己未進士授兵部主事嘉靖四年任湖廣左布政使六年以右副都御史任七年回籍聽用歷工部尚書詳工部

王應鵬字  浙江寧波府鄞縣人正德戊辰進士嘉靖七年以右僉都御史任本年改撫山西詳都察院

錢如京字

直隸安慶府桐城縣人弘治壬戌進士任山西

左布政使嘉靖七年由南京太僕寺卿陞右副都御史任九年陞工部右侍郎歷兵部左右侍郎兩廣總制南京戶部尚書改刑部詳刑部

林有孚字

福建興化府莆田縣人正德辛未進士嘉靖六

年任南京大理寺右寺丞八年陞大理寺右少卿十年以右僉都御史巡撫保定提督紫荆等關十一年改總督南京糧儲本年下獄爲民詳總督南京糧儲

許宗魯字伯誠陝西西安府咸寧縣人正德丁丑進士嘉靖七年任湖廣提學副使九年陞太僕寺卿十一年陞大理寺左少

卿本年以右僉都御史任提督紫荆等關兼撫保定等府十二年閑任後起鎮昌平三十年改撫遼東

周金字

直隸常州府武進縣人正德戊辰進士十一年任

太僕寺少卿嘉靖六年由宣府右副都御史起任十四年陞兵

部右侍郎歷南京戶部尚書許南京戶部

劉夔字

山西潞安府襄垣縣人正德辛未進士改翰林院

庶吉士八年除兵科給事中十三年養病十五年補原職十六年陞戶科左給事中嘉靖元年改翰林院檢討本年丁憂四年補原職本年調大名府通判六年陞南京宗人府經歷七年陞南京戶部廣東司郎中九年陞江西副使十一年調河南本年

陞貴州右叅政十二年調陝西十三年陞山東按察使十四年陞都察院左僉都御史提督紫荆等關兼撫保定等府十六年取回院被劾仍舊職十七年免

陸珂字○浙江寧波府鄞縣人正德甲戌進士十七年任都察院右副都御使提督紫荆等關兼撫保定等府十八年爲民尋准致仕

劉隅字叔正山東兗州府東阿縣人嘉靖癸未進士權○道監察御史陞四川僉事謫許州判官歷永平府同知南京中府經歷刑部郎中永平知府河南副使按察使十八年陞都察院右僉都御史提督紫荆等關兼撫保定等府二十一年被劾回

籍

丁汝夔字大章山東濟南府霑化縣人正德辛巳進士嘉靖六年任吏部文選主事歷陝西副使二十一年以右副都御史任二十二年改撫應天歷都察院左副都御史降湖廣右叅政

吳瀚字受夫河南河南衛軍籍直隸蘇州府吳縣人正德辛巳進士嘉靖元年二月除南京山西道試御史二年閏四月實授六年十一月陞江西僉事十一年二月陞湖廣右叅議十四年二月陞陝西副使十七年二月陞行太僕寺卿十八年九月陞山西按察使二十年二月陞山西右布政使六月陞本司左布政使二十二年五月陞應天府尹二十二年十月陞都察院右

副都御史巡撫保定地方提督紫荆等關二十三年被劾聽調
鄭重字子任河南汝寧府光州固始縣人正德辛巳進士嘉靖
二年三月除大理寺右寺右評事四年十一月陞本寺左寺署
左寺副事右評事六年七月守制八年十月服滿起復九年三
月到部四月復除大理寺左寺署左寺副事右評事本年九月
陞陝西僉事十三年六月陞四川右叅議十六年六月陞山西
副使整飭兵備任劄潞安府十九年九月陞湖廣右叅政二十
二年七月陞江西按察使二十三年正月陞山西右布政使本
年陞都察院右僉都御史巡撫保定等府提督紫荆等關二十
四年三月拾遺聽調

蘇祐字允吉山東東昌府濮州人嘉靖丙戌進士十八年任江
西提學副使二十二年陞山西叅政二十三年陞大理寺右少
卿二十四年陞右僉都御史巡撫保定二十六年陞右副都御
史巡撫山西二十八年陞刑部右侍郎本年改兵部詳宣大總
督

李仁字元夫山東兗州府東阿縣人嘉靖癸未進士二十五年
任太僕寺少卿二十六年以右僉都御史任二十七年陞右副
都巡撫宣府改大同詳大同巡撫

商大節字孟堅湖廣承天府鍾祥縣人嘉靖癸未進士二十八
年以右僉都御史任二十九年回院